

Im Meissnischen Kreis:

D. Iacobus Lechnerus, Pastor ad S. Afram et Assessor consistorij Misnensis, hanc veram de coena domini sententiam sua subscriptione approbat.

[G 1r:] Hieronymus Opicius, Pastor et Superintendens Bischoffuuerdensis, affirmatiuam sententiam de coena domini Torgae declaratam approbat et subscripsit.

M. Bartholemeus Fridel, Pastor ac Superattendens Oschatzensis, affirmatiuae sententiae omni asseueratione consentit ac ideo se subscripsit.

Has affirmatiuas propositiones ego, Daud Moller, Pastor ac Superintendens Leisnicensis, verae ecclesiae consensum esse sentio et credo et mea manu testor.

Ego Carolus Schopp, Pastor ac Superintendens ecclesiae Coldicensis, ex toto corde sic credo, doceo et deinceps Dei auxilio ita docebo. Id hac propriae manus subscriptione testor.

Ego M. Martinus Obendorfer,^a Pastor Mitueidensis, hanc sententiam affirmatiuam probo et recipio.

Ego Iohannes Gregorius, Pastor VValdheimensis, hanc sententiam de coena domini Torgae declaratam recipio, approbo et docebo.

M. Bartholemeus Clamorinus, Concionator Misnensis, in hac doctrina acquiescit.

Ego Vrbanus Hantschmanus hanc de coena domini sententiam affirmatiuam approbo.

Ego Caspar Kummerus, ecclesiae Misnensis ad S. Afram diaconus, affirmatiuam hanc sententiam de sacrosancta coena recipio.

[G 1v:] Fridericus Pensoldus, illustris ludi ad Albim Rector, hac sua manu profitetur, se hanc de sacramento coenae dominicae sententiam affirmatiuam περι τοῦ ῥητοῦ institutionis serio et ex animo amplecti.

Ego Petrus Thomeus, ludi illustris Mysenae Professor, agnosco chirographo meo, hanc confessionem et affirmatiuam sententiam de coena domini Christi et verae ecclesiae doctrinam esse, quam ex animo amplector et tueor et pro reuelata ac conseruata vera doctrina et luce veritatis Deo aeterno toto pectore gratias ago.

VVolffgangus Figulus articulis de coena dominica manu propria subscripsit.

Ego M. Daniel Menius, Professor scholae illustris ad Albim, hanc veram et sanam doctrinam de coena domini toto corde amplector, id quod propriae manus subscriptione testatum volo.

Ego M. Ioachimus Francus, vrbis Mysenae Ludirector, harum thesium affirmatiuam τῷ τῆς κυριακῆς διατάξεως ἀνευδοιάστῳ ῥήματι consentaneam et vnanimi orthodoxae ecclesiae consensu approbatam absque vlla refragatione recipio et toto pectore amplector nec ab hac sententia, quam ex prima parentum ac praeceptorum meorum institutione a teneris percepi, vnquam disce-

^a Oberndorffer: B; I; Oberndorfer: F.